



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Ierosolymitano Patriarchæ apostolicæ sedis Legato.

urn:nbn:de:hbz:466:1-20020

interpositam promulgarant. Propter quod nos præfatis Abbatibus & Canonico nostris dedimus iteris in mandatis ut si sententias iphas invenirent post appellationem ad nos legitimè interpositam esse latas, denuntiantes eas auctoritate nostra penitus nullas esse, in causa ipsa procederent juxta priorum continentium litterarum; alioquin partes remitterent ad judicium priorum examen. Cum igitur dicti posteriores judices vos ad suam præsentiam citavissent, procurator vestri monasterij in ipsorum præfencia constitutus ne occasione hujusmodi litterarum procederent inhibuit appellando, eò quod falsa suggestione ac veritate suppressa fuerant imperatæ, cum de his omnibus quæ superius sint expressa nullam facerent mentionem. Quia igitur mendax precatōr carere debet penitus impetratis, dilectis filiis A. Archidiacono, Succentori, & Decano sancti Germani Antiodorensis Parisiensis nostris dedimus litteris in præceptis quatinus prædictis litteris, quas constat veritate tacita impletatas, nequaquam obstantibus, & revo- cato in irritum si quid occasione ipsarum invenerint attentatum, latam in eum & alios contradictores excommunicationis sententiam tamdiu faciant auctoritate nostra sublato appellationis obstaculo firmiter observari donec de damnis & injuriis irrogatis monasterio vestro satisfaciat competenter, & sufficenter exhibeat cautionem quod nec ipse nec ejus heredes contra sapientiam diffinitivam sententiam venient, sed eam de cetero firmiter obser- vabunt. Ne igitur super sententia totiens confirmata possitis ulterius molestari, nos eandem sententiam, veritate perspicaciter intellecta, inviolabili confirmationis munimine roboramus, perpetuum alteri parti silentium imponentes, ac decernentes irritum & inane si quid de cetero apparuerit imperatum. Nulli ergo &c. nostra confirmationis & constitutionis infringere &c. usque incursum. Datum Laterani Idibus Decembris, pontificatus nostri anno xiv.

MAGISTRO ROBERTO
de Corzon Canonico Parisensi &
conjudicibus suis.

*Epiſt. 133.
Datur indica-
cie ad execu-
tionem voti.*

* Bochardus.
Vide Meyer. lib.

Dilectus filius nobilis vir Walterus Dominus de Avesni transmissa nobis petitione monstravit quod cum affixo suis humeris signo crucis ad subsidium terra sanctæ voverit proficii, & se ad iter peregrinationis accinxerit exequendum, * B. Subdiaconus frater suus Cantor quon-

dam Ecclesię Laudunensis, qui devasta- verat, Dei timore postposito, & abjecto habitu clericali, hostiliter terram suam in- cendio multiplici & rapini, accinctus bal- teo militari, ab ipso Waltero monitus aſſe- curare noluit usque ad ejus redditum dictam terram, sed ab eo recedens animo indig- nanti, eidem fratri ac ejus terra graviter aduersatur. Vnde cum ex discessu suo irre- parabile damnum per ipsum B. sibi ac ejus terrae timeat proventurum, nobis humili- ter supplicavit ut propter necessitatem hu- juſmodi ad exequendum votum emiſſum sibi & familiæ suæ concedere dignaremur inducias competentes. Vnde nos venera- bilibus fratribus nostris Sueſſionensi & Meldensi Episcopis & dilecto filio Abbati Longipontis Sueſſionensis diocesis nostris dedimus litteris in mandatis ut auctoritate nostra dilationem exequendi votum pere- grinationis prædictæ, quandiu eis conſi- terit durare hujusmodi abſque dolo & fraude necessitatis articulum, concedant eidem, ipsum & familiam suam non per- mittentes super hoc ab aliquo moleſtari, ita quod, eo ceſſante, ad noſtrum conſilium & mandatum reddat Domino quod promiſit, in terra sanctæ ſubſidium pro- perando, & interim ad ſubventionem ip- ſius juxta poſſibilitatem ſuam, quemadmodum cum fratre Aimaro Thesaurario domus militia Tempoli Parisiensis, cui ſu- per hoc ſcribimus, poterit conuenire, compe- tēns mittat ſubſidium; cum, ſicut pro certo didicimus, eo plus folio indi- geat ipſa terra. Ne igitur occaſione cau- tionis quam receperisti ab ipso cum relaxa- tis excommunicationis ſententiā, quam pro eo quod votum non exequebatur emiſſum tulisti in eum, mandatum noſtrum valeat impediri, præſentium vobis auctoritate mandamus quatinus permittas ut iuxta præſcriptam formam in ipſo ne- gotio procedatur. Datum Laterani 11. Idus Decembris, anno quartodecimo.

I E R O S O L Y M I T A N O
Patriarchæ apostolice ſedi Legato.

Praefentata nobis electione quam dile- cti filii Capitulum Nicofeniſis Eccle- ſia de dilecto filio magistro Durando ejul- dem Ecclesię Thesaurario celebrarunt, li- cēt ejusdem Capituli & ſuffraganeorum ac cariſſimi in Christo filii noſtri Cyri Regis illuſtris & plurim aliorum litteras rece- perimus ſuper ea, quia tamen nonniſi unus de electoribus ſe noſtro conſpectui prelen- tavit, electionem eandem ſufficienter exa-

minare nequivimus secundum apostolicæ sedis morem. Vnde nec ipsam valuimus confirmare, cum & nobilis vir Gualterus de Monte-Beliardo, qui dicitur parochianus ipsius, de persona ejusdem electi per litteras suas quædam nobis suggesterit quæ idem electus afferuit esse malitiosè conficta propter odium quo idem nobilis Regem perlequitur memoratum. Verum quia onerosum esset & grave, propter maris & viarum pericula, ob hoc iteratò ad sedem apostolicam laborare, palleum, insigne pontificalis officij, ad te, tradendum eidem, duximus destinandum; fraternitati tua per apostolica scripta mandantes quatinus si post denuntiationem super hoc à te factam talis infra mensem apparuerit persona quæ legitimè velit & possit aliquid impedimentum canonicum obcere contra ipsum, tu causam audias, & eam appellatione remota canonico fine decidas; & si vel impetus non fuerit, vel extiterit absolutus, tu ipsum præciplias conferari, ac deinde conferas ei palleum sub forma quam tibi transmittimus nostris litteris interclusam. Datum Laterani 11. Kal. Ianuarij, pontificatus nostri anno quartodecimo.

*ABBATI ET CONVENTVI
sancti Vedasti Atrebatenſi.*

*C*VM à nobis petitur quod justum est & honestum &c. usque effectum. Eapropter, dilecti in Domino filij, vestris iusti precibus &c. usque assensu, compositionem quæ inter bona memoriae Martini Abbatem vestrum ex parte una & I. quondam & ejus heredes Bethunienses Advocatos ex altera super quibusdam transactionibus talliarum, rogationum, violentarum exactiōnū, & aliarum rerum, in praesentia bonæ memoriae Samsonis Remensis Archiepiscopi de assensu partium amicabiliter intervenit, sicut sine pravitate providè facta est & ab utraque parte sponte recepta, necnon & in ipsius Archiepiscopi super hoc concocto authentico declaratur, auctoritate apostolica confirmamus & praesentis scripti patrocinio communimus. Nulli ergo &c. usque incursum. Datum Laterani ix. Kal. Ianuarij, pontificatus nostri anno quartodecimo.



Tom. II.

*P RÆ P O S I T O E C C L E S I A E
sancti Evaḡij de Casali, ejusque fratribus
tam presenib⁹ quam futuris regularē
vitam professi in perpetuum.*

P Iæ postulatio voluntatis effectu debet prosequente compleri; quatinus & devotionis sinceritas laudabiliter enitescat, & utilitas postulata vires indubitanter asumat. Eapropter, dilecti in Domino filij, petitionibus vestris benignitate debita gratum impertientes assensum, præfatam Ecclesiam, in qua divino mancipati etsi obsequio, sub beati Petri & nostra protectione suscipimus, & ad exemplar prædecessorum nostrorum bonæ memorie Calixti, Paschalis, Innocentij, Lucij, & Urbani Romanorum Pontificum præsentis scripti privilegio communimus. In primis siquidem statuentes ut ordo canonicus, qui secundum Deum & beati Augustini regulam in eadem Ecclesia institutus esse dinoscitur, perpetuis ibidem temporibus inviolabiliter observetur. Præterea quacunque possessiones, quacunque bona eadem Ecclesia vestra in præsentiarum justè & canonicè possidet, aut in futurum concessionē Pontificum, &c. usque illibata permaneant, in quibus hæc propriis duximus exprimenda vocabulis. In eodem loco Casalis, Ecclesiam sanctæ Mariæ, & Ecclesiam sancti Stephani, cum hospitali ibidem ædificato & omnibus suis pertinentiis. Omnes Ecclesias sitas in curia Casalis, cum omnibus suis pertinentiis. Ecclesiam sancti Hilarij, & domum laboris ecclesiastici. In Paciano, Ecclesiam sancti Germani, Ecclesiam sancti Michaelis de Casteneto, In loco sancti Georgij, Ecclesiam sancti Martini, sanctæ Mariæ, sancti Hilarij, sancti Vitalis, & sancti Petri. In Cinaglo, Ecclesiam sanctorum Cosmae & Damiani, cum quatuor mansis & omni decima totius loci. In Rodolasco, Ecclesiam sancti Michaelis, cum pertinentiis suis. In Torcello, Ecclesiam sancti Clementis & sancti Nicolai. In loco Casalis, tres mansos terra quos propriis bubus excolitis, sex jugea vinearum ad proprios labores, mansum Brifce, mansum Gramine, mansum Officiani, mansum Ambrosij Tisinasci, mansum filiorum Gisi, mansum Hilarij, mansum Adæ Duamani, mansum Spatecaldarij, mansum Henrici Fine, mansum Setacharij, mansum Cavortore, mansum Oberti Prisiliani, mansum Quirici Balde, mansum Radulphi Keke, cum pertinentiis & tertia parte decimarum totius loci

CCCIJ